



Broj: 02-04-2320/23

Trnovo, 7.7.2023. godine

Na osnovu člana 70. Zakona o javnim nabavkama („Službeni glasnik BiH“, br.39/14 i 59/22), a na Prijedlog Komisije za provođenje postupka javnih nabavki broj: 02-04-2320/23 od 7.7.2023. godine, u postupku javne nabavke roba – Nabavka računara, računarske opreme i licenci, Općinski načelnik je d o n i o:

### ODLUKU o izboru najpovoljnijeg ponuđača za nabavku roba

#### Član 1.

Prihvata se Prijedlog Komisije za provođenje postupka javnih nabavki, broj: 02-04-2320/23 od 7.7.2023. godine i ugovor za javnu nabavku: **Nabavka računara, računarske opreme i licenci** dodjeljuje se ponuđaču: **R&S d.o.o. Sarajevo, Igmanska b.b., Vogošća**, ponuda broj: 20743/23 od 29.6.2023. godine, za ponuđenu cijenu nakon održane e-aukcije u iznosu od **16.980,00** bez PDV-a, kao najpovoljnijem ponuđaču.

#### Član 2.

Prijedlog ugovora o nabavci dostavit će se na potpis izabranom ponuđaču na adresu **Igmanska b.b., Vogošća**.

Obavezuje se izabrani ponuđač da dokaze o kvalificiranosti, ne starije od 3 mjeseca računajući od momenta predaje dokumenata, dostavi u roku od 7 dana od dana prijema odluke, u protivnom će se postupiti u skladu sa članom 72. stav (3) tačka b) Zakona o javnim nabavkama.

#### Član 3.

Za izvršenje ove odluke zadužuje se i ovlašćuje nadležna služba Općine.

#### Član 4.

Ova odluka objavit će se na web-stranici [www.trnovo.ba](http://www.trnovo.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

#### Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

#### Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-04-2320/23 od 24.5.2023. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 17.094,00 KM.

Tenderska dokumentacija objavljena na portalu Portalu javnih nabavki dana 20.6.2023. godine.

Obavještenje o nabavci objavljeno u Službenom glasniku BIH.

Komisija za provođenje postupka javnih nabavki imenovana je rješenjem broj: broj: 02-04-73/22 od 26.01.2023. godine, u sastavu:

1. Adel Koso, predsjedavajući
  2. Zineta Hadžić, član
  3. Semir Prasko, član
- Sekretar komisije Irma Malićević.

Komisija je dostavila dana 7.7.2023. godine izvještaj o radu broj: 02-04-2320/23 od 7.7.2023. godine sa prijedlogom za donošenje odluke o izboru najpovoljnijeg ponuđača u postupku javne nabavke roba – **Nabavka računara, računarske opreme i licenci.**

U postupku po izvješću o radu je utvrđeno je da je Komisija za provođenje postupka javnih nabavki blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3,
- da su blagovremeno zaprimljene 3 ponude,
- da je neblagovremeno zaprimljeno 0 ponuda,
- da su ponude ponuđača **R&S d.o.o. Sarajevo i Inter-com d.o.o. Zenica**, prihvatljive.
- da ponuda ponuđača **Imtec d.o.o. Sarajevo** nije prihvatljiva iz sljedećih razloga: Uvidom u ponudu ponuđača 0306/23-2 od 30.6.2023. godine uočljivi su određeni nedostaci u smislu nezadovoljavanja uvjeta tenderske dokumentacije s aspekta oblika, sadržaja i potpunosti. Naime, tačkom 14. tenderske dokumentacije PODACI O PONUDI, dijelom b) **Način dostavljanja ponude** propisano je između ostalog „U skladu sa članom 11. Uputstva za pripremu modela tenderske dokumentacije ponuđač je u gornjem lijevom uglu koverta dužan navesti naziv i adresu.“ Uvidom u dostavljenu ponudu, kovertu iste, vidljivo je da ponuđač nije postupio u skladu s uputstvom datim u tenderskoj dokumentaciji, odnosno u gornjem lijevom uglu koverta je naznačio podatke koji se odnose na ugovorni organ i predmet nabavke. Podatak koji je trebao biti naveden u **gornjem lijevom uglu** je naznačen u donjem desnom uglu. Predmeta formulacija je preuzeta iz člana 11. Uputstva za pripremu modela tenderske dokumentacije i ponuda a kojim je između ostalog propisano: „Član 11. (Način dostave ponude) (1) Ponuda se dostavlja u zatvorenoj koverti na adresu ugovornog organa navedenu u tenderskoj dokumentaciji. (2) Na koverti ponude mora biti naznačeno: a) naziv i adresa ugovornog organa, **b) naziv i adresa ponuđača u lijevom gornjem uglu koverta**, c) evidencijski broj nabavke, d) naziv predmeta nabavke, odnosno lota na koje se ponuda odnosi, e) naznaka »ne otvaraj«.“ Članom 57.stav (1) Zakona je propisano: „U postupku javne nabavke kandidat/ponuđač pridržava se zahtjeva i uslova iz tenderske dokumentacije“. Članom 68. stav (4) tačka I) je propisano: „Ugovorni organ dužan je odbaciti zahtjev za učešće ili ponudu i u slijedećim slučajevima kad: i) ponuda nijepotpuna i ne ispunjava zahtjeve iz tenderske dokumentacije“. Imajući u vidu sve prednje sa ponudom ponuđača imalo se postupiti shodno članu 68. stav (4) tačka i) a u vezi s članom 2. Stav (1) tačka I) podtačka 2) Zakona o javnim nabavkama, odnosno dostavljena ponuda je nepravilna te se ista odbacuje.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog tijela nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, dostavljene ponude, održanu e-auckiju formirana je rang lista kako slijedi:

R.br.	PONUĐAČ	Rangiranje ponuda prema kriteriju za izbor ponude bez PDV-a
1.	R&S d.o.o. Sarajevo, Igmanska b.b., Vogošća	16.980,00

2.	Inter-com d.o.o. Zenica, Vrandučka 71b	17.000,00
----	----------------------------------------	-----------

Na osnovu naprijed navedenog, odlučeno je kao u članu 1. Odluke.

#### POUKA O PRAVNOM LIJEKU

Protiv ove odluke može se izjaviti žalba u roku od pet dana od dana prijema Odluke o izboru najpovoljnijih ponuđača. Žalba se izjavljuje Ugovornom organu u pismenoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koja ne može biti manji od tri, kako bi mogla biti uručena izabranom ponuđaču kao i drugim strankama u postupku.

Dostavljeno:

1. Ponuđačima
2. U spis predmeta

Izradio i kontrolisao: Adel Koso



Općinski načelnik  
Ibro Berilo

